

平定兩金川軍需例案

上卷三

平定西金川軍需制義

上卷

特准入銷豁免諭旨

(原殘) 錢之處停止。固因內地經行非口外可比。第
念兵丁等隨營征勦，均係出力之人，茲屆凱旋，各回
本營，亦當厚加優恤。既係凱旋由內地行走者，着加
恩於每月應給鹽菜銀九錢之外，加給二錢，俾沿途
日用益資寬裕。餘依議。欽此。

上諭：此次平定兩金川，所有各省綠營調往馬步兵丁，其
借支行裝銀兩，應於回營扣餉還項。因伊等俱曾効

平定回疆剿擒逆裔方略卷一百一十五
力行間業於恩詔內展限三年分扣。今復念該兵等
應扣之項較多，若於三年內扣完，恐月餉無幾，不足
以資養贍。着再加恩，照從前平定伊犁回部之例，分
作十年坐扣，以示體恤。欽此。

四十三年十一月十二日奉

旨：此項辦送征兵衣履銀兩，戶部議在本省未經出師之
文武員弁酌量養廉多寡，分別攤賠歸款。固屬允協。
第念此次平定金川大功告成，各省綠營官兵均能

奮勉出力應予加恩優恤且此項節次運送衣裝均在乾隆三十七年准予開銷恩旨之後所有陝甘兩省應完川省墊支夫價米價銀二十六萬兩俱着加恩准入軍需項下作正開銷湖廣雲貴等省亦着一律開銷欽此

附舊例

乾隆四十年十二月內奉

上諭從前議定西路派換哈密等處防兵官員借給一年

俸銀。馬兵借銀六兩。步兵借銀四兩。其備載戰兵。遇有調遣官員。借給二年俸銀。馬兵借銀十兩。步兵借銀六兩。俱於回營之日。在俸餉內分季扣還。朕念官兵人等遠役勞苦。回營之日。復將俸餉坐扣。其差操防汎以及養贍家口等費。未免艱難。著將所借銀兩俱行准賞。免其坐扣。嗣後如有派撥。即照所借銀兩賞給。以昭朕優恤戎行之意。欽此。

又乾隆五年四月內奉

上諭朕覽兵部纂修則例內稱從前進藏出征官兵及受傷病故官兵所有預借銀兩免其追還係出自特恩未便纂為成例等語朕思兵丁捐軀行陣情寔可憫其預借銀兩理應豁免若必特降諭旨恐其中不無一二遺漏者著為定例凡遇有此等事件該部援例請免則恩恤之典可垂永遠矣欽此

又乾隆三十五年七月內經戶部以進勦緬匪官兵在軍營患瘴病身故及間有陣傷亡故並患病受傷

平定回疆方略卷一百一十五
撤回各本旂營旋即身故者其應還長支借支各項銀兩可否准予一體豁免之處具奏奉

旨俱著寬免欽此

又乾隆十四年八月十一日奉

上諭上年調赴金川兵丁其借支辦理行裝銀兩例應扣還朕念其長途跋涉未免拮据業於恩詔內將該兵等已_三至軍營者全行恩免其起程而中途撤回者亦免一半今思未起程之兵既已奉派雖無行陣之

勞苦^(三)其製裝安家亦不無耗費若借支之項照例全數扣抵想復拮据着加恩將未經起程兵丁從前借支銀兩寬免十分之三以示優恤該部知道即遵諭行欽此

又例乾隆二十六年五月內奉

上諭內開此次西北兩路派出官兵內在軍前病故人等應追各項加恩寬免伊等雖回至游牧後病故亦係一體曾在軍前効力着將伊等應賠逾額倒斃馬馱

以及長支借支等項銀兩，着加恩寬免。欽此。

乾隆四十三年正月十六日奉

上諭：前據戶部議駁富勒渾等題銷陝甘餘丁支給本色米石，及滇黔湖廣三省綠營餘丁，仍照長夫之例支給。又自灌雇驛運送揪底米石，均與例不符，難以准銷二摺，戶部所駁（四）俱為得理。因諭令富勒渾等將實在情形明白回奏。茲據富等奏稱：當日辦理軍需，因餘丁有實帶未帶之異，其口糧遂有本色折色

之分。有實丁者。支給本色。無實丁者。即支折色。其長夫一項。未經奏定。以前西路兵丁業已照舊支給。當時事勢實難裁撤。乃軍營共見共聞之事。至騾運一項。實因彼時軍糧孔亟。用騾馱運。協濟承辦各員。均係實支實發。皆臣等所深知。各等語。所言自屬實情。並非托詞浮冒。所有富勒渾等題銷軍需餘丁長夫及騾運各案。俱着加恩准其開銷。嗣後富勒渾等務須實力稽核報銷。不得因此次恩旨。任聽各員違例。

冒銷致干咎戾。欽此。

乾隆四十三年五月初六日奉

上諭前戶部奏駁富勒渾等奏銷運送軍糧軍裝人夫回
空口糧先後牽混一摺。當經傳旨令其逐一登覆。明
白回奏。茲據奏稱在站人夫同係負重執役。而所運
軍糧軍裝軍火等項均屬急需。並無別差。且查十二
三年金川成案。軍裝等項。背夫回空口糧一律全支。
現有當時辦過案卷。此次原係循照前例辦理。第因

彼時軍務緊急，諸事紛繁，是以至三十九年始行咨部立案，斷不敢絲毫牽混等語。此項回空口糧，既係一律折給，且為伊等往來糧站目擊身親之事，自屬實在情形，俱着加恩准其開銷。富勒渾等摺並發。欽此。

四十四年十一月二十六日奉

旨：工部議覆四川省軍需報銷案內，採辦鑄砲鐵觔，較之軍器則例，多用銀六萬一千六百餘兩，節經駁查，未據

刪減請於承辦各員名下照數着追歸款一摺。固屬
照例核駁。但川省軍需項下民欠商欠專賠分賠各
款為數不下千萬餘兩。俱經降旨一體豁免。所有此
項核減銀六萬一千六百餘兩亦着加恩准其開銷。
欽此。

富文會奏

奏為奏明軍需通案收支分別追賠以清款項仰祈
聖鑒事。竊照金苗不法肆其兇殘仰賴我

皇上睿謨獨運

指授機宜用能掃穴擒渠宣威邊隅為一勞永逸之計成
千古未有之功惟是虛歷五年兵分四路動

帑浩繁較之甘滇等省辦過軍需並川省十二三年出
師成案不啻數倍之多荷蒙

皇上俯念錢糧重大清理較難

特派撫臣李來川核辦並

命臣富臣文臣劉臣桂臣顏臣郝等公同李會合題銷

仰見

聖明鄭重軍儲體恤羣黎之至意。臣等俱係內外承辦軍需之人，以自行督辦之事，自行核銷，親身目擊，各分段落，互相比較，非特絲毫難容弊混，實有彼此不能稍涉通融。奉

命以來，惟有詳查例案，悉心確核，凡屬例有浮多，則以例為斷。其或案有節省，則又以案為憑。即如里夫安家，土兵坐餉，牛羊月賞，以及採辦軍米價腳等項，本屬

例所應支而未領者均不准補給以歸節省統計例
內節省之項已不下三百餘萬兩至於按疑核銷之
外或有例之所無經臣等飭令刪除者亦有於例稍
浮經臣等隨案核減者是以未經入銷之數亦復不
省茲報銷業已全完臣等督同口內口外各司道將
已銷未銷各數通盤澈底核算查此次軍需先後撥
過部庫並協撥隣省及本省脩貯等項共銀六千二
百七十萬兩內除口內口外新舊二案正銷共八百